

promesse de dirgelo. Io desperato me ne andai a lo alloggiamento nè mai hebi altro avixo, se non che la matina a zorno sonarno la trombata del signor vicerè, et cusi tuti ce posemo in arme. Lo medesimo *etiam* fezeno li nimici, li quali erano sì vizini che non *solum* ce sentivano, ma ce vedevano; e perchè dal nostro logiamento fina al loro ponte era cercha uno milio, prima che nui ce fossemo arivati con l'artelaria et con el campo in ordine, li nimici, quali alloggiavano vizino al ponte, gieran pasati la maggior parte; che se andavemo avanti zorno et secreto, come io dissi, non passavano a tempo senza nostro grandissimo avantagio. E essendo cusi avvicinati una parte et l'altra comenzò adoperar l'artelaria, e benchè la nostra al principio li feze assai dano, perchè l'avevemo prima asettata più, da poi che la loro se asettò, per esser più el dopio che la nostra e meglio manezata, feze tanto dano a tutte le zente d'arme, che non se poteva resister, e durò più de do hore; et per questo io fui de parere ch'el marchexe de Peschara con li cavali lizieri se ne andasse atachare solo per dar principio a la bataglia e levarne de tanta artelaria et cusi feze. El signor vicerè senza dirme mandò el conte de Monte Lione a Carviale che se atachase con el retrovardia, et li medesimo feze intendere al marchexe de la Padula che fazese con la bataglia senza ch'io lo sapese; et vedendo io questi dui squadroni andar ad atacharsi, che lo parer mio saria stato che fossino retirati drieto anche per fuzir l'artelaria, dubitando che non potriano resister, come fu, rezerchai el conte Petro che tutti volessemo andar a combattere insieme, aziò che non perdesemo a pezi a pezi: me respose, che non se voleva mover. Come stava

94* in questo, el marchexe de la Padula, el marchexe de Peschara, el Caravigial, che havevano virilmente combatuto un pezo, habiando ancora parte de l'antiguarda francexe contra, fono sforzati voltar le spale; benchè el marchexe de Peschara, esendoli morto el cavallo, restò in terra per morto. Io vedendo questo, me spinsi con l'antiguarda a quella volta per fare che li nostri che fuzivano se ricoglieseno con meco; de li quali non ne poti recoger pur uno; che se andavano a la via de Cesena quelli che non erano prexi. Io vedendo questo, per non lassar li fanti nostri soli, me ne tornai dove stava, che già l'antiguarda francexe et li fanti tutti li andavano contra, benchè la mazor parte de l'antiguarda nostra se ne fuzi con li altri, et Diego de Guinove, el prior de Messina et alcuni de loro et Guidone, et io me tiro con alcuni mei per tornare in mezo dove erano li fanti, dove trovai lo conte de Monte Lione el qual travagliò assai per

ricoglier qualche homo d'arme, et non ce bastò, et poco da poi fo prexo facendo sempre tutto el ben che potè. In questo mezo tutti li fanti francexi et le zente d'arme venero contra li fanti, li quali adiutati de quelli pochi de la nostra antiguarda, ch'io ho dito, combaterono tanto bene, che me deteno speranza de vittoria. Alfine tutti li sopraditi de la nostra antiguarda fono morti o presi, et io me ridusi a li fanti nostri, li quali da poi ruperò tutti li fanti loro da li todeschi in fora, in modo ch'io, se haveva 200 altre lanze, sperava la vittoria, et non havendo più uno solo homo d'arme per adiutarli, chiamai li 1000 fanti italiani che me erano a la mano manca, come Ramazoto potrà dire, qual intendo che è vivo, nè mai se volseno movere se non a fugire. Alfine tuto el campo se ritornò a li poveri fanti nostri et ad me, benchè amazzasero la maior parte de li capitani inimici, pur de' nostri fono in quel medemo morti tutti li capitani et principali, et zercha 3000 fanti, che erano rimasi vivi, se posero in fuga per l'arzer del fiume in ordenanza, et cussi se salvorono. Io per non romperli l'ordenanza, non puoti intrar tra loro, ma me ge puosi a le spale, dove da li fanti inimici fui ferito de due ferite, et cussi el cavallo; et s'el duca de Ferara non me adiutava, qual me era dinanzi, non posseva campare che li fanti non me occidesseno, et a lui me resi et salvomi con tanto amore che li serò sempre obligato. Da poi che harai basato la mano al signor Re nostro signor, li legerai la presente, et me ge recomanderai.

In lo Castel di Ferara, a 28 de april.

FABRIZIO COLONA, *manu propria*.

Post scripta. Da poi che harai lecta la presente al signor Re nostro signor, tu legerai con alcuni signori di questi grandi, et *præsertim* con el signor gran capitano, e 'l signor Almazan, perchè quello ch'io scrivo è lo Evangelio, per star sempre al paragone.

Dil meze di mazo 1512.

A dì primo mazo. In Colegio non fu el Principe per non si risentir, ma sta meglio; è in piedi in camera soa. Intrò cai di 40 sier Jacomo Pizamano qu. sier Fantin, sier Ferigo da Molin qu. sier Marco, e sier Anzolo Tiepolo qu. sier Bernardo, cai dil Consejo di X sier Piero Querini, sier Alvixe Capello e sier Lucha Trun.

Vene l'orator dil Papa episcopo de Ixernia, e